

## Ordinaziun davart indemniziuns, taxas ed expensas en daner blut dal post da mediaziun e da la dretgira da cumpromiss tenor la LIiPMC<sup>1)</sup>

sa basond sin ils art. 7 ed 8 da la lescha introductiva tar la procedura da mediaziun e tar la procedura davant la dretgira da cumpromiss tenor il dretg federal d'assicuranza sociala (LIiPMC)

relaschada da la dretgira administrativa dal chantun Grischun ils 2 da november 2006

---

### Art. 1

Questa ordinaziun regla las indemniziuns, las taxas e las expensas en daner blut per il post da mediaziun e per la dretgira da cumpromiss tenor il dretg federal d'assicuranza sociala. Champ d'applicaziun

### Art. 2

<sup>1</sup> Las sesidas, il studi da las actas sco er la redacziun da decisiuns, da rapports e.u.v. dal post da mediaziun vegnan indemnizads tenor il temp impundi effectivmain, e quai confurm a la tariffa fixada en l'artitgel 7 LIiPMC. Indemniziuns

<sup>2</sup> Per las sesidas e per il studi da las actas survegnan las commembras ed ils commembers da la dretgira da cumpromiss ina schurnada da 300 francs. Sch'il temp impundi inclusiv il temp da viadi n'importa betg dapli che quatter uras per di, vegn pajada ina mesa schurnada.

### Art. 3

Las spensas da viadi, d'alimentaziun e da pernottaziun sa drizzan tenor las disposiziuns da la legislaziun chantunala dal persunal. Indemniziun da las expensas

### Art. 4

Per taxas e per expensas en daner blut valan mintgamai las disposiziuns e las tariffas ch'èn fixadas en l'ordinaziun davart las taxas e las expensas en daner blut da la dretgira administrativa. Taxas ed expensas en daner blut

### Art. 5

Questa ordinaziun entra en vigur il 1. da schaner 2007. Entrada en vigur

En num da la dretgira administrativa  
Il president da la dretgira: *Johann Martin Schmid*  
L'actuar: *Hanspeter Passini*

---

<sup>1)</sup> DG 370.310